



DEO OPTIMO MAX.  
UNI ET TRINO,  
VIRGINI DEI - PARÆ, ET S. LUCÆ  
Orthodoxorum Medicorum Patrono.

QUÆSTIO MEDICA;  
CARDINALITIIS DISPUTATIONIBUS  
manè discutienda, in Scholis Medicorum, die Jovis vigesimo-septimo  
mensis Martii, anno Domini M. DCC. XLIX.

P R Æ S I D E

M. JACOBO - BENIGNO WINSLOW, Doctore  
Medico, Regiæ Scientiarum Academiæ Socio, Anatomæ &  
Chirurgiæ in Horto Regio Professore, &c.

*An legitimus Quadragesimalis victus salubris?*

I. (a)



R I M I Philosophi rerum naturalium causas Diis tribuebant, dein quibuldam Spiritibus creatis, quorum alii extrâ res naturales positi ipsis prospiciebant, alii intrâ ipsas agebant; indè Paganorum, Cabalistarum, Peripateticorum fabulæ. Neoterici alio modo in inquirenda veritate processerunt; Anatomes, Chymicæ, Geometriæ, Physicæ experimentalis auxilio diversas sinxerunt hypotheses, quibus in functionibus naturalibus nihil ab anima iramediâtè proficisci, demonstrare conati sunt, Nec hi prioribus sapientiores, Corporibus nimium impertiunt. Homo ultimum est & peculiare Creationis opus. Non eodem tempore cum aliorum animalium genere factus est. Propria ipsi fuit servata Creatio. — Corpus & animam jungi nullus est qui inficias eat; nullus qui utrumque in se invicem quadam proportionem operari difficulter credat. Hocce negato singulâ hominis, sive in sanitate, sive in morbo, sive in quibulvis vitæ cir-

(\*) Videatur Nota ad Calcem, §. I V. seq.

A

2  
 cumstantiis intelligi vix possunt. In mixtis sunt quædam proprietates, quarum alia à distinctis qualitatibus aut à certo principio emanant, alia quæ ab adunatis istorum corporum qualitatibus oriuntur. Ita sunt in homine attributa, quorum alia à solâ animâ, alia à solo corpore, alia ab utroque surgunt. — In statu sano, verbi gratiâ, Idiosyncrasia, temperamentum, ingenii indoles, functionum ordo, situs, duratio, cursus, determinatio, tempus; in sitâ morboſo mania, delirium, melancholia, malum hypochondriacum; non sunt unius corporis, neque solius animæ, sed sunt utriusque effectus sive modificationes diversæ. — Animæ functio cogitatio; corporis actio motus; —. Distinguuntur quidem anima & corpus, sed nusquam per vitam separantur. Nihil fieri potest in anima, quod ad corpus plûs minûsve sensibilibiter non extendatur; & vicissim nihil fit in corpore quod postea mentem non afficiat. —. Materialis valetudo in Homine à corpore pendet, Formalis ab anima. Hujus tutela Religio est, illius conservatio Medicina nostra. —. Una Ecclesiæ Doctrina; multiplex ac diversa ejusdem Disciplina. Doctrina respicit animam, Disciplina totum hominem. Eorum, quæ necessaria sunt, facilis est abusus; circa Victum & Vestitum plerique hominum ERRORES. Ad eos præcavendos aut emendandos — omnis Ecclesiæ Doctrina. Homo igitur sese totum Religioni debet. —. Ut homo totus circa Deum applicetur sine ullo corporis & animæ detrimento, — præstat Rerum non naturalium & externarum pia tractatio, quâ corpus isdem frui- tur commodis ac exercitatione.

## I I.

MIRABILIS est Cutis & Abdominis inter se conspiratio. Ubi hujus laxitas, ibi illius densitas, & vicissim. Utriusque consensus circa ægros potissimum observatur. Nullus diuturnior in cute vel in abdomine detegitur affectus, nisi simul utrumque laboret, aut brevî aliquâ ægritudine laboraverit. —. Quantus aër, tantus cibus, id est, pro catiſ ab aëre pressione, ea in stomachum alimentorum, habitâ ratione speciei, apponenda quantitas: tenuior indè in regionibus calidis, crassior in frigidis alimonia. Aëris mutationes alia diurnæ, alia mensuræ; graviores quæ singulis tempestatibus contingunt. Ex istis mutationibus æquilibria tentantur. Ne corpus animæ vim inferat, sancitæ fuerunt ab Ecclesiâ Ciborum mutationes. Omnium aëris mutationum saluberrima quæ vernio contingit tempore. Præstantissima pariter, quæ per illam tempestatem Ecclesiæ mandato fit ciborum mutatio. Verni aëris elateri & mobilitati respondent alimonia Quadragesimalis tenuitas, raritas & varietas. Victus iste corporis æquilibrium servat, fibras nec deterit, nec debilitat. Iplius (*vistis*) occasione economiæ animalis intima resurgit vis, natura suas feliciter experitur crises, demum citrà ullam in mente perturbationem Vere novo renovatur Homo. Naturale Jejuni- um est ea in vivendo temperantia, qua quis indigentia tempora non prævenit, cibos non quærit lautiores, non petit eosdem paratu accuratiores, nullam alimentî, sive abjectioris, sive delicatioris astuosè desiderat speciem; denique in quantitate sumenda mensuram servat. Illæ vivendi leges quotidie commendantur à Medicis ad morbos præcavendos, sanitatemque conservandam. Eadem ab Ecclesiâ sanciantur, determinatâ alterius Cibi speciei in diæta Quadragesimali.

QUADRAGESIMALE Jejunium, etiam quale sit hodie, servat corporis æquilibrium. A pristino ab Apostolis tradito licet differat, utpote strictum minus, ejusdem efficaciam est. Secure indulget Ecclesia. Ampliatis viræ humanæ laboribus, auctâ alimoniam copiâ, nihil ab abstinentia detrahit. — Alma Societatis mater est. Ex ipsius præcepto dat Eſca fide ſecura, ratione neceſſaria, viſu aliundè pulchra guſtuque delectabilis. Venit & ex omni parte commoda verſus finem Hiemis initiumque Veris. Hiems, paraſita tempeſtas, frugibus vivit alienis, ſive perennioribus, ſive induratis igne, ſiccatisque ſole, ſive ſaccharo acetove conditis. Jejunantibus multiplex offertur cibus. Quicquid tunc abortit terra, mare & flumina produnt, quæcumque ſingit ars, humana ſervat providentia, præſtò ſunt ad veſcendum. De omnibus ut Chriſtiani comedant, præcipit Eccleſia, unâ exceptâ Carne, (*exceptiſque ab eadem orandis, ovis, lacticiiniis, &c.*). Tempore Quadrageſimali Piſces, Legumina, Olera, Fructus — ſola licitè & tempeſtivè miniſtrantur. Accedente Vere, aër calore ſuo & humiditate, tum nativâ, tum à frequentibus imbribus ortâ, eos in œconomia animali excitat motus, quibus tota conatur ad tonum recuperandum, ſuccoſque Hieme congeſtos exprimendos. Ut iſti felices ſint motus, præcaveri debet, ne quæ per annum ſit ad vaſa plenitudo, vires impetat corporis. Dat hæc commoda diæta (*viſtus*) Quadrageſimalis. In ea duo ſunt conſideranda, Jejunium & Cibi præſcripti ſpecies. — Jejunium eſt ſemper & ubique neceſſarium & poſſibile. Ab eo — præſertim diæta Quadrageſimalis vel præſtantia, vel nocumentum. Supponit ſerè factam in corpore accretionem, vult integra viſcera, præcipuè pulmones, quibus inſenſum, ſi ſit in iſtis aliqua labes. Jejunio nullus tenetur niſi elapſo ætatis anno vigefimo - primo, quo tempore uniuſcuſque jam nota valetudo eſt. Innotefcit Jejunii virtus minus quamdiu adhibetur, quàm eo finito, ſolitæ aſſumptis cibis. Jejunio ſucci reſſui circulationis lege redduntur, ruruſque nutritioni cedunt. Solida molis indigeſtæ aliquid amittunt, plurimum roboris & elafſicitatis deinceps acceptura. Quæ ſit in iſis aſſictio ſive maceratio, eſt in dies creſcens intimus fibrillarum contactus, quo anima moleſtam percipit ſenſationem, haud abſimilem dolori, quàm à nova earumdem extensione ſuſcipit convaleſcens, ubi primùm ſeſe exercuerit. Hæ impreſſiones in convaleſcente nutritione delentur, illæ in jejunante peculiari ſua diætâ ſervantur ad tempus. Ne homo iſtis adventitiis aſueſcat moleſtiis, Eccleſiaſtica diſciplina comellionis horam indicavit, ciborumque ſpeciem & quantitatem definivit. » Idcirco enim Jejunium definitur maceratio ſeu aſſictio carnis ex abſtinentia ciborum, nempe talis abſtinentia, ut per  
 » iſſam caro aliquod incommodum ſentiat & affligatur. (a) Afflictio carnis quæ in jejunio ab Eccleſia affectatur, non tam ex qualitate ciborum provenit, quàm ex demiffione conſuetæ cœnæ, ob quam corpus  
 » aliquâ inediâ maceratur. (b) Eccleſia etiam Horam certam comedendæ

(a) Zacch. Queſt. Med. leg. l. 5. q. 5. n. 4.

(b) Ibid. q. 8. n. 30.

4

» di præscripsit, nam si prævenire hanc Horam liceat, faciliè etiam leve  
 » illud famis prædictæ incommodum evitabimus, nullumque ex jejuni-  
 » laudabilem fructum percipiemus. (c) — Quantitas cibi vespere in  
 » collatione, vel refectiuncula, aut cœnula assumendi, ne jejunium fran-  
 » gatur — sit ad modicum quid, quod uncias duas aut tres ad summum  
 » non pertranseat. Sed verè — definiri ea quantitas, propter varietatem  
 » subjectorum & conditiones ab extrâ eventientium, nullo modo potest.  
 » Ut hæc tamen exquisitiùs decidantur, repetendum id quod dictum est,  
 » Quantitatem cibi assumendi non debere esse notatu dignam, unde &  
 » Qualitatem talem esse oportet, ut quàm minimum, vel nullo modo nu-  
 » triat. Ergò inter omnes cibos minimi nutrimenti sunt herbæ & fructus  
 » atque utraque profectò eò minus nutrire possunt, quæ simpliciora as-  
 » sumuntur; cocturâ enim & conditurâ aptiora ad nutritionem efficiuntur.  
 » (d) « Neque hæc (tunc necessaria) perturbant. Dura licet, pietas  
 » leviora sunt, mentem circa Deum applicant, sensuum acumen operan-  
 » tur, motus corporis compescunt.

#### I V.

**A**NTEQUAM aliquis Quadragesimale Jejunium suscipiat, suam  
 ipsi licet inquirere valetudinem. Si patiatur, dubitare sapientis est,  
 sed prohibita violare non presumat nisi à Sacerdote permissum suscipiat. Me-  
 dicos etiam consulat (*sapientiâ & experientiâ doctos, religione & conscien-  
 tiâ probos*). — Ut legitima detur à jejuniio immunitas, decem sunt ob-  
 servanda: 1°. Temperies, 2°. Ætas, 3°. Conditiio, 4°. Sexus, 5°. Cor-  
 poris habitus, 6°. Ingenii indoles, 7°. Consuetudo, 8°. Vitæ munus,  
 9°. Incommoda præsentia, 10°. Mala quæ ex diætâ (*Vitâ*) Quadra-  
 gesimali possunt contingere. Quæ ex hisce depromuntur impedimenta,  
 alia jejunium, alia ciborum speciem, alia quantitatem, alia omnimodam  
 abstinentiam respiciunt. *Temperies* sæpè acculatur tanquam impedimentum;  
 ipsi ne nimis auscultet Medicus. — Prima & ultima *Ætas* excusant à  
 jejuniio. — Ex senibus non immunes qui facillimè jejunium ferunt; —  
 soli inter eos qui anili marcere conficiuntur, quibusque sit frequens ven-  
 triculi morbus. *Conditiio personarum* neminem dispensat. *Mulieribus gravi-  
 dis, puerperis, nutricibus* (*habito respectu ad puerum fatni vel lactentis  
 imminens*) prohibentur jejunium & abstinentia. Tenuior corporis habitus  
 est legitima dispensatio, saltem à jejuniio. *Ingenii indoles* corporis tempe-  
 riei affinis. Huic nonnunquam condonandum. — *Consuetudini*, ubi præ-  
 rexitur, nulla habenda ratio; ipsi Medicina cedit, Religio numquam.  
 Efficaciùs homini prodest, licet inassueta suadens, pietas. Dubitante Mallas-  
 sare, Daniel & ipsius focii bene conscii edulia Nabucodonosoris fastidiunt,  
 aquâ pro potu, leguminibus pro cibo vescuntur. *Post dies autem decem ap-  
 paruerunt vultus eorum meliores & corpulentiores.* Sæpe & legitime à jeju-  
 niio excusant *vita munia*. Non tam à Ciborum qualitate quàm à quanti-  
 tate & tempore refectiionis dispensant. Non à laborum specie, sed ab ef-  
 fectibus quos pariunt, desumenda excusationis causa. *Morbis* est causa

(c) Zacch. Quest. Med. leg. 5. q. 1. n. 32.

(d) Ibid. q. 9. n. 16. 17. 20. 21.

sufficientissima & evidentissima homines à jejunio excusans. Debet esse  
 gravis, totum corpus aut partem notabilem afficiens, ut admittatur tan-  
 quam legitimum impedimentum. Si sit confirmatus, ut cæcitas, non ab  
 illa jejunii conditione excusat. — *Immunitas occasione morborum concessa*  
 est vel generalis, vel particularis. Scilicet alia carnem, alia quorum usum  
 tantummodo permittit, alia comestione[m] multiplicat, alia refectionis ho-  
 ram mutat. *Timor rationabilis futuri mali* est justa causa excusationis.  
 Timendi rationes desumuntur ex tenuitate corporis, cuiuscumque vis-  
 ceris debilitate, ex morbis præteritis facilem recidivam facientibus. —  
 Nullus (*ægratus*) gloriatur se iavitis jejunasse Medicis. — Uni sano li-  
 citum est suam explorare naturam per hocce tempus. Experimentorum  
 est opportuna tempestas. Quot tunc sumuntur cibi, tot observantur. Ex  
 ipsorum impressionibus in unumquemque hominem diversis singularis pro-  
 dit temperies. » Discant tam Medici quàm eorum consultores, non esse  
 » petendam absolutionem à jejunii obligatione illico atque læsum quis se  
 » senserit à jejunio, sed potius quærendum, an aliqua ratio jejunandi sit,  
 » quæ sit magis salubris quàm præterita; discemus enim tunc, à qui-  
 » bus abstinere nos oportet. (a) « — Sunt enim qui à particulari cibo  
 noxas percipiunt, quo omisso servari potest commodissimè jejunium.  
 Aliis nocet plurima comestio unicâ vice facta; si minus comedant, etiam-  
 si non cœnent, absque noxa jejunium ferre poterunt. Aliis nocet cibo-  
 rum varietas; simpliciori cibo sint contenti; nullo modo à jejunio læden-  
 tur. » Videant ergò Medici, ac rigorosè insistentes examinent, an aliquid  
 » simile irreperere possit in his, qui jejunare obligati, ab ea obligatione  
 » se eximere student hujusmodi illegitimis excusationibus. (b) — Quæ-  
 » cumque dispensatio à quacumque conditione requirat particularem con-  
 » siderationem, ita ut teneamur in licentis concedendis fidem facere,  
 » an cum licentia comedendi carnes intelligatur annexa licentia bis in  
 » die, aut pluries comedendi, aut horam jejunii præveniendi. — Ubi  
 » quis dispensatus sit ad carnes ob timorem tantum futuri morbi, non  
 » censendus ad aliquid ulteriùs dispensatus. — Quia unusquisque tenetur  
 » jejunare eo modo quo potest. — Nullus enim immunis esse debet in  
 » vigiliis & jejuniis & Quadragesimâ ab ea carnis maceratione, quam si-  
 » bi licet exercere absque evidenti sanitatis dispendio; ita ut si quis non  
 » possit à carnibus abstinere, quia pisces suæ naturæ contrarii sunt, ab-  
 » stineat saltem à multitudine refectionis, —; servet item horam jejunii  
 » ab Ecclesia determinatam, ut carnem eo modo, quo potest, affligat.  
 » —. Quòd præcipuè advertendum, ubi licentia Ovorum & Lacticiniorum  
 » tantum concedatur; tunc enim — non censeantur ab aliis jejunii obli-  
 » gationibus soluti, qui tales licentias obrinuerunt. (c) Dictum jam superiùs  
 » non semel est, Ecclesiam in impositione jejunii non intendere animæ  
 » vel corpori detrimentum inferre. Idcirco non modò non permittit je-  
 » junium infirmis, sed dissuadet. — Hoc fundamento posito, dico, Ec-  
 » clesiam — rectè etiam ab abstinentia potùs & tolerantia sitis nos ab-  
 » solvere, quia ex sitis tolerantia, maximè si immodica sit, periculum im-  
 » mineat corporeæ salutis. — Nam faciliùs toleratur fames per tres dies,

(a) Zacch. ibid. q. 5. n. 6.

(b) Ibid.

(c) Ibid. q. 8. n. 6; 8. 2.



» quàm sitis per tres horas. —. Ergò hanc sitis tolerandæ difficultatem  
 » præ oculis habens Ecclesia, ad libitum bibere quodcumque permi-  
 » sit, eo solummodo contenta, ut mediocri & rationabili famis toleran-  
 » tiâ gliscentem carnem, quoad fieri potest, compescamus. —. Vini po-  
 » tum extra cibum & cum cibo in die Jejunii ab Ecclesia tolerari; pri-  
 » mò quidem propter consuetudinem, — quòd cum nos ab inconvulsi-  
 » vino assuescamus — facile in jejniis sitim incurrimus, quam si aquæ po-  
 » tu extinguere velimus, ob desuetudinem in difficilia symptomata labi pos-  
 » semus. —. Secundò quia præcipua intentio potus est distributio alimenti  
 » solidi. —. Tertiò quia intentio potantis est levare sitim, quod ab Eccle-  
 » sia — permixtum. —. Ecclesiæ indulgentia se extendit tantùm ad sitis  
 » extinctionem, — non enim intendit Ecclesia, ut vini potu famem re-  
 » pellamus, sed tantùm ut sitim extinguamus; at sitis vino optimè diluto  
 » extinguitur, fames autem meraciore vino superatur. —. Etiam si enim  
 » vinum nutriat, non ut alimentum, sed ut potus concessum est ( aqua  
 » permixtum ) ad ciborum distributionem, & ad sitis extinctionem (d).

Præcedentes hæ quatuor Sectiones ex uberrimâ Clarissimi quondam Collegæ M<sup>i</sup>  
 LUDOVICI DE SANTEUL, Dissertatione de Questione Cardinalit à in Sch.  
 lis Medicorum discussâ, die 30 Martii 1733, *An sana sanis dicta Quadragesimalis?*  
 excerptæ sunt, ipsis quidem verbis, mutato tamen ordine, paucisque non omni-  
 nò ad mentem Auctoris intra hamos Parenthesewn alieno caractere intermixtis;  
 quibusdam insuper ex Consultissimj D. P. ZACCHIA, *Questionum Medico-Lega-  
 lium* insigni opere, cui Dissertationis laudatæ D. DE SANTEUL, non exigua  
 pars debetur, prolixius additis, geminæque ad marginem positæ virgularum serie  
 distinctis.

## V.

**L**EGITIMUM *Quadragesimalem* victum abundè subministrant Pisces;  
 Frumenta, Legumina, Olera, Fructus; victum partim cunctis sine discri-  
 mine, singulis partim cum delectu salubrem. Cæterum quid æconomia ani-  
 mali exinde generatim faveat, quidve speciatim, experientia non semel  
 facta, sed aliquoties seorsum ritè examinata docebit. Lingue, palato, gu-  
 læ, totidem indulgentissimis receptaculi alimentarii janitoribus, minimè fi-  
 dendum. Renuentibus iisdem, quicquid universi corporis tam conservandæ;  
 quàm refarciendæ sanitati reverà convenit, fideliter assumendum. Condi-  
 menta ciborum, uti quovis tempore, ità verno præsertim, irritamenta  
 gulæ. Victum quemvis genuinè salubrem, ità saluberrimum atque opti-  
 mum quemcumque, pessima corruptione inficiunt hodiernæ coquorum,  
 cupidinariorum, ac vinariorum artes, corpori funestæ, funestiores ani-  
 mæ, Religioni funestissimæ. Ità profectò. Depravatæ nimirum consuetudi-  
 nis in dies gliscentis vitio, hodiernus quibusdam in locis per tempus Qua-  
 dragesimale victus à pristino salubriter instituto ità degeneravit, ut quam-  
 plurima hinc enascentia valerutinis solitæ detrimenta ansam dederint in-  
 culpabilissimum culpandi victum; sub isto prætextu legalibus efecis unctiores  
 intermiscendi dapes, iisdem licentiùs abrogatis lautas substituendi mensas,  
 & quod magis dolendum, ipsam criminandæ Ecclesiam Catholicam, in  
 Oratione primi Quadragesimæ Sabbati *hoc solenne jejunium animabus cer-*

poribusque curandis salubriter institutum esse præmonentem. Verùm hujusmodi indoctorum hallucinationes, delicatiorum & gulosorum prætextus, indulgentiorum & conniventium culpas, alienorumque criminationes, notissima præstantissimorum Medicorum, tum nostratùm eùm exterorum scripta & consulta satis superque redarguunt; (e) apertè probando, corporibus vernà præsertim tempestate talem omnino prodesse victum, qualem animabus atque istis curandis Ecclesia salubriter instituit; non verò talem qualem coquinaria mollescentium, vacillantium, labantium ac degenerum ejusdem filiorum delectamenta sensim ac pedetentim deinceps alterârunt, atque alterando effecerunt insalubrem, conspirante simul perversâ non paucorum, vel scientiæ, vel conscientiæ, vel utriusque expertum, indulgentiâ. Cæterùm licentiores istos non ita pridem Sanctissimus omnium Fidelium PATER AC MODERATOR, BENEDICTUS XIV, gravi notavit censurâ, eosque laudatissimis simul diversorum optimæ notæ Medicorum monumentis quampluribus, erudiendo potius quàm refutando, coarguit. (Epist. Encycl. Romæ 1745.) » Accedit etiam, inquit, » quod Medici facilitate quâdam incredibili peculiare à Quadragesimæ » præcepto liberos & immunes decernere soleant, de qua re gravissimè » monendi sunt, ne suas animas indulgendo nimis aggravent. —. Postre- » mō si velint percurrere ea quæ in Italiâ & extra ipsam præclarissimi Au- » tores Medici typis evulgarunt, faciliè deprehendent, abstinentiam ci- » borumque parimoniam ab illis magnoperè commendari, discrimen in- » ter morbos constitui, & certis rationibus ostendi in curandis quibusdam » morbis nequaquam requiri, ut jesculum & carnes loco piscium, olei, » aut herbarum substituantur; in aliis verò juvare plurimum, si sublatis » carnibus, cùm indicitur jejunium, oleo vel lacte ægrotantes utantur; » illud etiam compertum, delicatis quoque ac mollibus abstinentiam » quadragesimalem nullam inferre perniciem, neque plures ob eam cau- » sam inter ægros vel mortuos recenseri « Id ipsum unusquisque sui ip- » somet curam gerens quadragesimali tempore, variis variorum esculentorum tentaminibus, solo studio religiosè vivendi ac sanitatem religiosè cōservandi vel refarciendi, prudenter examinatis, luce clariùs demonstrabit. Exulent igitur à mente, à mensâ, & à culinâ quæcumque *legitimum verè- que salubriter institutum quadragesimalem vîctum* alterare poterunt, & efficere insalubrem. Muratici pisces, verbi gratiâ Salmones, Haloces, Moruæ sive Afelli maritimi, per dies aliquot aquâ simplici limpidâ pluries renovatâ macerentur ad sufficientem usque salis vetustis ac præ vetustate acerrimi expulsiōem, alioque postea cum sale coquantur. Recentes autem qualescumque, vel aquâ solâ cum aliquanto sale elixi, vel super prunas leviter tosti, posteaque oleo ac sale conspersi, saluberrimè nutriunt. Parili apparatu simplicissimo Legumina, Radices, Olera verè *salubrem Qua- dragesimalem vîctum* exhibebunt, variè tamen pro singulari temperamen- torum, idiosyncrasiarum, consuetudinumque varietate variandum. Continuo quamplurium annorum decursu Pisces, Fabis, Lentibus, secundùm horiarnam apud nos artem coquinariam, etiam vulgarem atque usitatissimam, sollicitè præparatis, tormina, borborygmi, ructus, &c. quovis omnino tempore, quâvis cautione, & quâm minimâ quantitate sumptis

(e) Vid. suprà §. II. finem,

alicui contingerant, qui posthac iisdem absque omni condimento elixis, & extra focum oleo saleque congruenter mixtis, impunè quolibet tempore & quantitate qualibet, imò tam salubri cum successu jam demum ultra tres vel quatuor annos vescitur, ut solis istis salubriter prandere se possè non dubitet. Idem ille trigésimo-primo ætatis anno *victum Quadragesimalem* nunquam expertus, eodem nihilominus anno tali cum salubritate quamvis ex acerbissimo nuperrimè morbo convalescens, & antèa sapissimè valetudinarius, bisque feretro (a) proximis, victum eum sustinuit, ut deinceps per decem ferè lustra, exceptis ob inopinarum violentissimæ febbris accessum, duabus ultimis unius Quadragesimæ diebus, saluberrimè continuaverit. Quinimo, quæ ultra viginti annos singulis circiter hebdomadibus ipsum molestaverat, hemicrania, quadragesimali priorum aliquot annorum tempore cessaverit, solitis postea per reliquam eorundem annorum partem recidiva periodis. Eàdem verò experientiâ eodem cum successu salutarì repetitâ sæpiùs edoctus, similiter per majorem plurium deinceps annorum partem absque carnibus carniūque iusculis cœnando, inveteratæ istius hemicraniæ prorsus & perpetuò immunis vivit, anni ætatis suæ octuagesimi mense ultimo; gratâ temper memoriâ recolens Vigilantissimi quondam Decani D. VERNAGE Patris effatum: *Inculpatius vivunt, qui hoc tempore abstinentiâ animabus corporibusque curandis salubriter instituta, & carnes à mensa, & pisces à cœna averiunt, frugibus & oleribus contenti.* (b) Omnibus hisce feriò ac religiosè perpendenti cuilibet evidentissimè constabit, *Quadragesimalem victum* prava consuetudine, indulgentiâ licentiore, ac delinquentium multitudine pravitatem delicti simul obtegente, alteratum & demutatum omnino insalubrem esse; genuinum verò atque legitimum solum esse corporibus animabusque curandis verè salubriter institutum.

(a) Quæst. Quodl. de Signis incertæ mortis 1740.

(b) Quæst. Cardinal. anni 1703, *An Cerealia & Olera agri Parisiensis salubria?* Præside M. PERRAUX, cujus vices gessit ipsemet D. VERNAGE, Decanus & Theol. Autor, præsentè in Scholis nostris Illustrissimo ECCLESIE PRINCIPÈ JACOBO BENIGNO BOSSUET, EPISCOPO MELDENSIS, cui illam dedicaverat Baccalaureus proponens J. B. W. Danus Othonienfis.

*Ergò legitimus Quadragesimalis victus salubris.*

Proponebat Parisiis CLAUDIUS-FRANCISCUS GRANDCLAS, Pontimussanus, Doctor Medicus Pontimussanus, necnon Saluberrimæ Facultatis Medicinæ Parisiensis Baccalaureus, A. R. S. H. 1749, à sextâ ad meridiem.